

आसाम आयेन आफादनि बुंथिगिरिनि बिथोनफोर



सत्यमेव जयते

आसाम आयेन आफाद नेहाथारिख'
दिसपुर, गुवाहाटी-781006

(मावख'आरि आरो सोद्रोमाफोरनि बाहायनायनि थाखायल'-फोसावनायनि थाखाय नडा)

आसाम आयेन आफादनि
बुंथिगिरिनि बिथोनफोर

आसाम आयेन आफादनि
बुंथिगिरिनि बिथोनफोर

आसाम आयेन आफाद निहासतिरि
दिब्रुगु, गुवाहाटी-781004

आसाम आयेन आफादनि बुंथिगिरिनि बिथोनफोर

আসাম আয়েন আফাদনি
বুংথিগিরিনি বিথোনফোর



আসাম আয়েন আফাদ নেহাথারিখ'

দিসপুর, গুৱাহাটী-781006

(মাৰখ'আৰি আরো সোদ্রোমাফোরনি বাহায়নায়নি থাখায়ল'-ফোসাবনায়নি থাখায় নড)

© आसाम आयेन आफाद नेहाथारिख'

धामथि फोसावनाय, मार्च 2006 मायथाइ(इंराजी)

गिबि फोसावनाय, आगष्ट 2022 मायथाइ(बर' रावसोलायनाय)

बिजाबआ फरायगिरि समाजनिफ्राय अनसायनाय मोनगोन आरो आसाम आयेन आफादनि



बिजाबआ फरायगिरि समाजनिफ्राय अनसायनाय मोनगोन आरो आसाम आयेन आफादनि

2001-22 - बिजाबआ फरायगिरि समाजनिफ्राय अनसायनाय मोनगोन आरो आसाम आयेन आफादनि

(बिजाबआ फरायगिरि समाजनिफ्राय अनसायनाय मोनगोन आरो आसाम आयेन आफादनि)

गुदि बाथ्रा

बे "आसाम आयेन आफादनि बुंथिगिरिनि बिधोनफोर" बिजाबखौ बर' रावारिफोरनि थाखाय मार्च, 2006 मायथाइयाव फोसावजानाय धामथि बिसाननि गुबै फुखानिफ्राय रावसोलायना फोसावनाय जादों । बिजाबनि गेजेरजों आसाम आयेन आफादनि मानगोना सोद्रोमाफोर आरो मावख'गिरिफोरा खान्थिफोरनि सोमोन्दै गोरलैयैनो मिथिनो हागोन होनना मिजिं थिबाय ।

मिजिंथियो बे बिजाबआ फरायगिरि समाजनिफ्राय अनसायनाय मोनगोन आरो आसाम आयेन आफादनि जारिमिनाव अराय मोनसे फुखा महै आजव जागोन ।

दिसपुर, गुवाहाटी
आगष्ट, 2022

बिश्चजीत दैमारी
बुंथिगिरि
आसाम आयेन आफाद

रायफोदनाय

आसाम आयेन आफादनि बुंथिगिरिया खान्थि 310 नि राहा बायदियै आरो गुबुन खान्थिफोरनि हाबाफारि मावफुनाय आरो बिनि सिंनि गोहोफोरजों, आसाम आयेन आफादआ सम सम हाबा सामलायनो राहा खान्थि बादियै बिथोनफोर फोसावदों, बे खान्थियाव माखासे आयदाफोर आरो खान्थिनि जयै हाबा मावनाय माखासे आयदाफोरा जुनियायै गोलैया ।

2. बिथोनफोरनि गिबि सुजुनायखौ 1985 मायथाइयाव लाबोदोंमोन;
3. बिथोनफोरनि नैथि सुजुनायखौ 1987 मायथाइयाव लाबोदोंमोन;
4. गासै सोदांनायफोरखौ लाफानानै बिथोनफोरनि थामथि सुजुनायखौ आरो फेब्रुवारि, 2006 सिम सुजुजानाय गोदान बिथोनफोरखौ मार्स 2006 मायथाइयाव लाबोदोंमोन;
5. बिथोनफोराव सोदोबफोर आरो बाग्रा खोन्दोब बाहायनायफोरा, जेब्लानाखि गोनांथार जाया, रोखोमसे ओथि थानाय आसाम आयेन आफादनि बिखान्थि आरो हाबाफारि सामलायनायनि खान्थिफोराव होनाय बादि जागोन ।

दिसपुर, गुवाहाटी
मार्च, 2006

जि.पि. दास
नेहाथारि
आसाम आयेन आफाद

नायखां बिलाइ

1. समायखिरा एबा सिमान लानाय 7
2. सोद्रोमाफोरा नोजोर होनो गोनां खान्थिफोर 8
3. नोजोर होनो गोनां सरासनन्ना बिखान्थि 10
4. सोद्रोमाफोरनि बाग्रा दान्थेलायनायाव बाहागो लानायनि आदब 10
5. थिखानाय बिथोन 11
6. सदन आरो जथुमनि सिमा 11
7. जथुम सिमानि सिडाव बिथोन सामलायनाय 12
8. मन्त्रिनि बुंफोरथि 12
9. आयेन दाग्रा आफादफोरनि सोलेंथाइयारि दावबायनाय 13
10. आयेन दाग्रा आफाद आरो हानजाफोरनि मोन्थाय आरो खाबुफोर 14
11. आयेनारि थांखि 15
12. जथुमथावनि सिडाव हाबनाय 15
13. सोंथिफोर 25
14. लाथिख'सम 29
15. बुंथिगिरिनि दैदेनजेननाय 30
16. आर्जि आफाद 32
17. सुजाबलाइ - A 33

3. सोद्रोमाफोरा नोजोर होनो गोनां खान्थिफोर

जेब्ला सदना जथुमो, सासे सोद्रोमाया :

- i. सदनजों गोरोबनाय हाबाफारिनि अनगायै बिजाब, खौरां बिलाइ एबा लाइजाम फरायनो मोननाय नडा;
- ii. जायखिजाया सोद्रोमाया बिबुंथि लाखिनाय समाव खाबजायै फाव फेसन, दावराव दावसि आरो खाबजायै आखु दिन्थिनाने हेंथा होनो मोननाय नडा;
- iii. रायलायनाय समाव आरो गावनि जिरायग्रा थावनिखौ नागारलानाय समाव मासिखौ मान होगोन;
- iv. रायलायबाय थानाय जायखिजाया सोद्रोमानि मासिनि गेजेरजों बारलानाय नडा;
- v. बुंथिगिरिया सदनाव बुंफोरबाय थानाय समाव सदनखौ नागारलानाय नडा;
- vi. मासिखौ जेब्लाबो मान होगोन;
- vii. गावनि सरासनस्रा जिरायग्रा थावनियावनो जिरायगोन;
- viii. जेब्ला सदनाव बिबुंथि लाखिनाय नडा सिरियै थागोन;
- ix. जेब्ला सोरबा सिनायनो मोनै सुबुंआ गेलेरि(gallery) एबा जुनिया बागमुआव हाबो अब्ला आखाय खबनो मोननाय नडा;
- x. बिबुंथि लाखिबाय थानाय समाव गेलेरि एबा आथालमासि(gallery)आव रावबो सिनायमोनै सुबुंनि बिदिन्थि(reference) लानाय नडा;
- xi. हाबाफारियाव हेंथा होनाय नडा, जेब्ला सदनाव बिबुंथि लाखिबाय थागोन बे समाव जेबो सोदोब आरो बाभ्राजों हेंथा होनाय नडा;
- xii. सोद्रोमाफोरा सदनाव खान्थि 11नि सिडाव होनाय समनि एसे सिगां सफेनांगोन । सदनाव थिखानाय समाव बुंथिगिरिया हाबफैगोननि खौरांखौ सान्थिया (marshal)होगोन, जेराव बुंथिगिरिया गोख्रै ख'थायाव हाबगोन । सोद्रोमाफोरा गासैबो सावरायनायफोरखौ फोजोब नांगोन, गावबागावनि जिरायग्रा थावनियाव थानांगोन आरो गसनंगोन ।

- xiii. जेब्ला सदना जिरायो, अब्ला गासैबो सोद्रोमाफोरा सदननि आबुथिजों लोगोसे ख'थायाव हाबनांगोन आरो बेबादिनो सदननि मावफारिनि हेंथा गैयै बादि आबुथियै ओंखारनांगोन ।
- xiv. सोद्रोमाफोरा मासियाव सोनारनानै जिरायनो नाडा आरो ख'थायाव जानबुंफोरखौ बन्द'(switch off) खालामा लासे लाबोनो नाडा ।
- xv. सदन जिरायनाय समाव, जुदि गोनांथि जायोब्ला सोद्रोमाया सदनाव जेबो हेंथा सोमजिहोवाजासे उनि दरजों एबा गावनि साखाधियाव थानाय दरजों गोख्रै बायजोआव थानो नांगोन ।
- xvi. रावबो सोद्रोमाया गावनिफ्राय बुंथिगिरिनिसिम दैथाय हरनाय मिथिसार बिलाइ एबा खौरांनि सोमोन्दै सदनाव सावरायनो दैखानाय नडा, जेब्लानाखि बियो बुंथिगिरिनिफ्राय जुनियायै मावफुनो बिथोन मोना । जुदि सोद्रोमाया जेबो मोनथि होनाय खौरां मोना, अब्ला बिखौ हमनानै लानांगोनदि बियो बुंथिगिरिनि गनायथिनि थाखाय दं ।
- xvii. जेब्लानो बुंथिगिरिया बुंनो थाखाय गसडो, एबा "अरदार" होनानै बुडो, आरो जेब्ला सोरबा सोद्रोमाया सदनाव बिबुंथि होगासिनो दं अब्ला गासै सोद्रोमाया गावनि जिराइग्रा थावनियाव फिन जिराय फिननांगोन(जेरे-बुंथिगिरिनि गनायथायजों बुंगासिनो थायोब्ला) ।
- xviii. सोद्रोमाफोरा गावनि बिबुंथि जोबनाय लोगो लोगो सदननि बायजोआव ओंखारनो नाडा । सदननि सोद्रोमथि बायदियै बेयो गोनांथि दंदि गावनि बिबुंथि जोबनायनि उनाव गावबागावनि जिरायग्रा थावनियाव फिन जिरायफिनो आरो बेनि उनावसो गोनांथि जायोब्ला सदननि बायजोआव ओंखारलानो हागोन ।
- xix. जेब्ला सोरबा सोद्रोमाया गुबुन सोद्रोमा एबा मन्थिखौ मुं सुयो(criticism), अब्ला उनाव बेखौ मोन्थायहोनायनि मिजिं थिनो हायोदि मुं सुग्राया बिनि फिननायखौ खोनासंनो सदनआव हाजिर थानांगोन ।

4. मिथिसार होनायनि सरासनस्रा बिखान्थि

मिथिसार होनायनि सरासनस्रा बिखान्थिफोरखौ गाहायाव होनाय जाबाय:-

- (1) खान्थि बादिथै गोनां जानाय गासै मिथिसारखौ नेहाथारिनो थांखिनानै लिरनांगोन, आरो मिथिसार होगिरि सोद्रोमाया सागान होनाय जानांगोन, आरो सरकारि बन्द' सानखौ नागारनानै मावख'आरि समाव(office hour) नेहाथारि एबा मिथिसार मावख'आव दैथाय हरनांगोन।
- (2) मिथिसाराव लिरनाया साखोन सिखोन आरो गोरलैयै फरायनो हाथाव जानांगोन। मोनफ्रोमबो सुंज्रोबा मोनफाल' आयदाजो सोमोन्दो थागोन।
- (3) गोबां थांखिफोरनि सायख'जानाय थख'लाइफोरखौ(prescribed form) मिथिसार मावख'आव लाखिनाय जायो। सोद्रोमाफोरा गावसोरनि गोनांथि जानाय थख'लाइफोरखौ बेनिफ्राय बुथुमनो हागोन।
- (4) सोद्रोमाफोरनि थाखाय समायखिरा एबा नंगौ बुंनाय आरो सदनाव जिरायनायनि सिगां मिथिसार होनाया उदां नाथाय बियो सदनाव सासे सोद्रोमा हिसाबै गावनि जायखिजाया हाबाफारिखौ मावफुंनो हाया, अदेबानि बियो सोंथि सोंनो हानाय नडा एबा थांखि दैखानो एबा लानो हानाय नडा। जेब्लानाखि बियो समायखिरा एबा नंगौ बुंखाडा आरो सदनाव गावनि जिरायग्रा थावनिखौ लाया।

5. सोद्रोमाफोरनि बाध्रा दान्थेलायनायाव बाहागो लानायनि आदबः

(1) सोद्रोमाफोरा गाहायाव होनाय मोन्थाम आदबफोरनि जायखिजाया मोनसे आजवना लानो हागोन जायफोरा मोनसे बाध्रा दान्थेलायनाय एबा सावरायनायाव बाहागो लानो गावनि गोसो जानायखौ बुंथिगिरिनो फोरमायनो सानो:-

- a) बबेबा मोनसे थि बाध्रा दान्थेलायनाय एबा सावरायनायाव बाहागो लानो गोसो जानाय सोद्रोमाफोरनि मुंफोरखौ आयेन दाग्रा आफाद एबा हानजाफोरनि गेजेरजो बुंथिगिरिनिसिम दैथाय हरनो हायो।
- b) सासे सोद्रोमा जाय बुंथिगिरिनिसिम थोंजो लिरहरनो सानो बियो आयेन दाग्रा आफाद एबा हानजानि गेजेरजो थाडालासेनो मावनो हागोन।
- c) सासे सोद्रोमा जाय गावनि मुंखौ गावनि हानजानि गेजेरजो बुंथिगिरिनो गथायनो एबा थोंजो बुंथिगिरिनो लिरहोरनो गोसो गैया नाथाय संसदनि

मुंदांखा हाबा हुखाखौ बुंथिगिरिनि नोजोर खोख्लैना अनसायनो गोसो बेयो गावनि थावनियाव गसनो हागोन आरो बाध्रा दान्थेलायनायाव बाहागो लानो हागोन।

- (2) जेब्लासिम सासे सोद्रोमाया गावनि मासिनिफ्राय गावनो सिखारा आरो बुंथिगिरिखौ नोजोर होआ अब्लासिम बेयो बुंथिगिरिजो बुंनो थाखाय लिंहर जानाय नडा, जेखियानो जाया मानो बेयो गावनि मुंखौ गावनि हानजा एबा दोलोनि एबा थोंजो बुंथिगिरिनिसिम लिरहरखानाय ब्लाबो।
- (3) बुंथिगिरिया बेखौ मावथारनांगौ जानाय नडा जाय फरिलाइ एबा बिथोनाव मुंफोरा हानजा एबा दोलो एबा हारसिंजो थोंजोडै होजानाय। फारिलाइआ खालि बिथानि हेफाजाबनि थाखायल' जागोन आरो बेयो जेब्लाबो बिथानि थाखाय गोनां जायोब्ला सोलायस्त' खालामनो थाखाय उदाडै थागोन बेबादिनो दान्थे बिदान्थेआ बुंथिगिरिनि सम लायै सम दानानै लानाय सरासनस्रा खान्थिफोरनि जोहै सामलाय जागोन।
- (4) जुदि सोरबा सोद्रोमाया बुंथिगिरिजो बुंनो थाखाय गाबजि जायालासे बुडो एबा बिबुंथिखौ फोजोबनो बिथोन हरसेयावबो बुंनाय थायो बुंथिगिरिया गोस्रै बिथोन होनो हागौदि बेबादि बिबुंथि एबा बेनि बाहागोफोरा जेखि मामला जायामानो सदननि मावफारि बिथांखिनि बाहागो जानाय नडा।

6. थिखानाय बिथोन (POINT OF ORDER)

सासे सोद्रोमाया हाबाफारिनि मोनसे आयदा थुंगिनाय आरो गुबुन आयदा जागायनायनि गेजेरनि थाद'नाय समाव खान्थि 300नि सिडावल' थिखानाय बिथोन दैखानो हायो । सोनाय समफारियाव बिथांखि फारि दैखानो मोन्नाय नडा ।

सदननि सोरगिदि सिमा आरो जथुमनि थावनि

7. खान्थि 298 नि थांखिफोरनि अनगायै, खान्थिफोराव बाहायनाय सोदोब "सदननि सोरगिदि सिमा" आव खान्थि 2 आव फोरमायनाय दाजाबनायथावनि, गाहायाव होनायफोरा जथुमनि थावनियाव थागोन :

- (i) मिरु नब्ला;
- (ii) सोद्रोमाफोरनि नेथ'ग्रा ख'थाफोर;
- (iii) आफादनि ख'थाफोर;
- (iv) सोद्रोमाफोरनि रेजेंगा जाग्रा मावख'फोर;
- (v) जथुम सदनाव थानाय मन्थिफोरनि ख'थाफोर, जथुम सदन आरो जथुमनि दाजाबदेर नमा जों लोगोसे जथुमनि मावख' लोगोसे आलासि नाजावग्रा मावख';
- (vi) गोजौआव मख'नाय गुबुन गुबुन खथासिम थानो थाखाय सरजाबनाय लामा; आरो
- (vii) जथुमनि थावनि आरो जथुमनि सदन आरो जथुमनि दाजाबदेर निसिम लामा;

बरनायनाय- "जथुम थावनिनि" थादेरसा-

- (a) गासै न'मा, लोगोसे जथुमनि दाजाबदेर, दाथाय, फज'नाय (installation), जिरायग्रा आरो जथुम सदननि साखाथि लांगोना नं 11 निफ्राय लांगोना नं 17 सिम लांदां थावनि जाय बुंथिगिरिनि सामलायनायनि सिडाव थायो ।

जथुम थावनियाव बिथोन फालिनाय

8. आसाम आयेन आफादनि सोद्रोमाफोरनि जेबो हेंथा गैयाजासे जथुम थावनिखौ उदां आरो लांदां लाखिनो थाखाय जथुम थावनियाव गाहायाव होनाय हाबाफारिफोरा हेंथा दं :

- i. रायजोफोरनि जायखिजाया मेल खुंनाय
- ii. सा 5 एबा बेनिखुइ बांसिन सुबुंफोरनि ज' जानाग्र
- iii. खामग्रा आगजुफोर लानाय, बेनार, प्लेकार्ड, लावथि, गोफार आयजें, थुंग्रि, गन, अन्थाइ थुखा बायदि बायदि
- iv. हसिखावनाय आरो जै होनाय
- v. बिबुंथि लाखिनाय बायदि बायदि
- vi. हानजा सुरनाय आरो दिन्थिथाइ
- vii. मावखुलिनि बायजोआव थुबुर जानाय एबा धरना होनाय
- viii. जायखिजाया हाबाफारि एबा आखुफोर जाय आसाम आयेन आफादनि सोद्रोमाफोरखौ हेंथा होयो ।

मन्थ्रिनि बिबुंथि

9. सासे मन्थ्रिया खान्थि 55आव थानाय बादि सदनाव बिबुंथि लाखिनो हास्थायोब्ला, बिबुंथि लाखिनो थांखिनाय साननि सिगां नेहाथारि गौथुमाव बुंथिगिरिनो मिथिहोहरनो थाखाय बिबुंथि बिलाइखौ हरनांगोन ।

बरनायनाय:- बिबुंथिया मोनसे आयदाजों सोमोन्दो थागोन जायनि बिबाना मन्थ्रिनाव थागोन आरो रायजोफोरनि गोनांथिनि थाखाय मोनसे थि आयदानि सायाव सरकारनि खान्थिखौ गेबें खालामनो थाखाय बानायनाय जागोन ।

10. आयेन दाग्रा आफादफोरनि सोल्लोथाइयारि दावबायनायफोर

- आयेन दाग्रा आफादफोरजों लोगोसे थाफानाय सामलायथ' मावख'गिरिया रायजोनि सिडाव/बायजोआव सोल्लोथाइयारि दावबायनायनै फैफिननाय लोगो लोगो बुंथिगिरिनो नायबिजिरनो थाखाय आसाम आयेन आफादनि नेहाथारिनो सुंद'फोरमायथि बिलाइ गथायनांगोन ।
- आफादनि गासै सोदस्रोमाफोरनि एसेब्लाबो थाम बाहागोनि से बाहागोआ रायजोनि सिडाव/बायजोआव सोल्लोथाइयारि दावबायनायफोरव लोगोसे जाथारनांगोन ।
- आफादफोरनि गासैबो सोल्लोथाइयारि दावबायनायफोरा दिसपुराव जागायगोन आरो थुंगेगोन ।
- मोनसे आफादआ बोसोराव खेबसे रायजोनि बायजोआव सोल्लोथाइयारि दावबायनायखौ मावफुंगोन ।
- रायजोनि सिडाव एबा बायजोआव सोल्लोथाइयारि दावबायनायजों लोगोसे थानाय गासैबो सोद्रोमाफोरा आफादजों सायख'जानाय थि थावनिफोराव बेरायनांगोन । गोनांधार नडाब्ला रावबो सोद्रोमाफोरखौ थांखिखानाय लामा ससेयाव दावबायग्रा आफादनिफ्राय जानगार होनाय नडा ।

- जाय सोद्रोमाफोरा थांखिखानाय सोल्लोथाइ दावबायनायव गावसोरनि थांफानो गोसो जानायखौ आफादनो फोरमायखायो नाथाय बबेबा मोनसे एंगारहायै जाहोननि थाखाय मावफुंगो हायाब्ला बिथांमोनहा दिसफुननिफ्राय ओंखारनायनि एसेब्लाबो साननैसो सिगां बेलेबेजेखौ नेवसिनानै आफादनि नेहाथारिनो एबा सामलायथ' मावख'गिरिनो फोरमायनांगोन ।

11. आयेन दाग्रा आफाद आरो हानजाफोरनि मोन्थाइ आरो खाबुफोर

- बुंथिगिरिया गौथुमनि सोद्रोमाफोरखौ आयेन दाग्रा आफादनि दोलो एबा हानजानो सदनखौ सालायनो थाखाय मोन्थाइ होगोन आरो बिथांनि थिरांथायानो जोबथा जागोन ।
- आयेन दाग्रा आफादनि दोलो एबा हानजानि मोन्थाइ होनायाव बुंथिगिरिया गाहायनि खान्थिफोरखौ बेसेन होगोन ।
 - गौथुमनि सोद्रोमाफोर जाय आयेन दाग्रा आफादनि दोलोखौ दागोन -
 - बिथांमोनहा सदनाव फैफिननायाव मोनसे थि सान्थौ आरो खामानिनि हाबाफारि लाना खेबसेयैनो सरासनस्रा बिसायख'थिखौ फोसावगोन ।
 - सदननि सिडाव आरो बायजोआवबो फसंथान थाथारनांगोन आरो
 - सदनखौ सोलिहोनो थाखाय एसेब्लाबो थोजासे अनजिमानि सोद्रोमा थानांगोन थामहिनबा सदनाव सोद्रोमाफोरा द' बाहागोनि से जाथारनांगोन ।
 - आयेन दाग्रा आफादनि हान्जाखौ दानो थाखाय गौथुमनि सोद्रोमाफोर खोन्दो (i) नि बाहागो (a) आरो (b) खौ मानिना सोलिगोन आरो खमैबो सा 5 सोद्रोमाफोर थाथारनांगोन ।

राजखान्थि दोलोफोरखौ सिनायनो थाखाय सुबिदाफोर

- बुंथिगिरिया सदनाव मोनसे दोलोनो गाहायनि खाबुफोरखौ गनायथि होयो फारियै:

- (a) सदनाव दोलोनि गोहोखी नायना मासिनि खोन्दो (Blocks of Seats) रानखायनाय (allotment), जुदि बेबायदि लाहार फाहारा जाथावना जायोब्ला ।
- (b) दोलोनि हाबानि थाखाय लोगोसे सदननि हाबा हुखानि थाखाय गौधुमनि दरखडाव (ख'था) (Room) रानखायनाय, जुदि दोलोनि सायख'जानाय सोद्रोमाफोरनि गोहोआ सा बा (5) निखुइ खम जाया ।
- (c) आयेन दाग्रा आफादनो दोलोनि गोहोनि समानथायखौ नायना मुंसायख'नाय ।
- (d) बाभ्रा दान्थेलायनायाव बुंनो थाखाय सोद्रोमाफोरखौ सायखनायनि मुंफोरखौ बुंथिगिरिनो गथायनाय ।
- (e) सदननि हाबा हुखा एबा गुबुन जायखि जाया सदननि सिगाडाव फैनाय गोनांथार जाथायफोरनि थाखाय जेराव गोनांथि जायो बेयाव बोसोन लानाय ।
- (f) बुंथिगिरिया आयेन दाग्रा आफादनि हानजा जाय जि (10) निखुइ खमसिन आरो बा (5) निखुइ बांसिन सोद्रोमा थायो बिसोरनो थि खाबु होयो जायखौ बे दिगाव बिथाडा गोनांथि सानना गनायना लायो एबा जाथावना सानो ।
- (g) बुंथिगिरिया आयेन दाग्रा आफादनि दोलो एबा हानजानो खाबु होनो गनायथि होनायानो जोबथा थिरांथा जागोन ।

आयेनारि थंखि:

12. जेब्ला मोनसे थंखिनि फोसावनायखौ संबिदनि राहा बायदियै होनाय एबा मावनाय जायो अब्ला खान्थि 115(3) आव भ'ट होजानाय नडा ।

जथुमनि सिडाव हाबनाय

13. बिथांमोननि अनगायै -

- a. आसाम आयेन आफादनि सासे सोद्रोमा
- b. सासे मावख'गिरि एबा जथुम नेहाथारिनि लोगो मावख'गिरि
- c. गनायथि मोन्नाय खौरां देथायग्रा एबा खौरां एजेन्सिनि थान्दै जायफोरहा जथुम सिडाव एबा जायखिजाया गेलारि सिडाव हाबनो थाखाय आरजाथाव हाबमोनलाय दड एबा बिथाडा

जथुमनि सिडाव,
बेनि नयुं आरो
गेलारियाव
हाबनाय,

खान्थि बायदियै जथुम नेहाथारिनिफ्राय हाबमोनलाय मुंसाय थानाय जानांगोन । सासे खौरांगोग्रा एबा मन्त्रिजो थाफाग्रा लेडाइ जायहा जथुम नेहाथारिजो हरजानाय जथुम सिडाव आरो न'आव हाबनो आरजाथाव हाबमोनलाय मोनो नाथाय बै सुबुंफोरा न'नि खामसालियाव एबा दरख'मोखाडाव थानो मोना, हाबा जोबखानाय लोगो लोगो औरैनो थायालासे न'खौ नागारलानांगौ ।

14. खेबफ्रोमबो जथुम मेल जागायनायनि सिगां गासैबो बिफान जैर- सुबुं नेहाथारिख' (Civil Secreteriate), सुबुं मावमिन(Public Works), दै मावख'वारिफोरनि हाबमोनलाय होबथा आरो दै जगाय बिफान लोगोसे गासैबो बिफानारि गाहाइफोरा मावख'गिरि आरो मावफारियाफोरनो मावख' सालायनो थाखाय नांगौ जानाय गुबुन गुबुन रोखोमनि हाबमोनलायनि अनजिमा बायदिनि सोमोन्दै आसाम आयेन आफादनि नेहाथारिनो लिरना फोरमायहरनांगोन । जाय सुबुंनो हाबमोनलाय नांगोन बिथानि मुं आरो गारिनि नम्बरखौबो आसाम आयेन आफादनि नेहाथारिनो लिरना होनांगोन । आयेन आफादनि नेहाथारिया अब्ला थार गोनांथिखौ नायना थि खालामगोन आरो जायखौ बिथाडा गोनांथि सानो बै अनजिमानो हाबमोनलाय हरगोन । हाबमोनलाय हरनायाव सुबुंनि मुं आरो गारिनि अनजिमाखौ सोफानांगौ । मेल सोलिबाय थानाय समाव मावख'गिरि गेलारिनि गोनांथि जायोब्ला नेहाथारि मावख'निफ्राय लानांगोन । आसाम आयेन आफादना मावख'नि गाहायनिफ्राय जाय सुबुंनो मोनथाइ होनायनि मुं दिन्थिना / मावख'गिरिजो समान एबा बेनिखुइ गोजौसिन बिबानगिरिखौ आसाम सरखारनो गथायनांगोन । मावख'गिरिनि गेलारियाव नेहाथारिनि सुबिदानि आंखालनि थाखाय बेंगिरि आरो सरखारनि नेहाथारिनि अनगायै नेहाथारि मावख'नि मोनफ्रोमबो बिबाननि मावख'गिरिनि थाखाय सानै एबा बेनिखुइ खमसिन आरो मोनफ्रोम बिफाननि गाहाइनि मावख'गिरिनि थाखाय मोनसे (बिफाननि गाहाइखौ एंगारनानै) मावख'गिरिनि हाबमोनथाय होनाय जागोन । बेनि थाखाय मावख'गोरिफोरा फाला रान्नायनि मुं/मोनफ्रोम अक्ट'नि फारि बादियै मावख'गिरिनि मुं/ बिबाननि अक्ट'जेराव बिथाडा जथुमाव नुजाथि थानो हागोन ।

15. गंसे गारिनि हाबमोनलाया जथुमनि न'आव एबा गेलारियाव हाबनो थाखाय मोनथाय मोनसे थि मोन्नाय नडा । बे रोखोमैनो न'आव हाबनायनि हाबमोनलाया हाबमोनलाय

गेलारियाव हाबनायनि मोनथाय गैया । गुबुन गुबुन गेलारि आरो बैयाव थानाय मासिफोरखौ सुजाबदेर-A लोकोसे बिथोनखौ दाजाबदेरनाय जादों ।

16. जायखिजाया जथुमनि मेल सोलिफुबाय थानाय समाव, गारि , न' , आरो गेलारिनि हाबमोनलायखौ नेहाथारिनो होखानाय साजायलायाव आरजलाय गथायना मोन्नो हायो । जथुमनि सोद्रोमाफोरा फर्मखौ नेहाथारि जथुमनि मावख'निफ्राय मोन्नो हायो । बैफोर आरजलायनो हाबमोनलाय होनायखौ आरजलाइखौ नायना सोद्रोमानो होनो हायो एबा जाय सुबुंनाव सोद्रोमानिफ्राय लिरनाय मोनथाय बिलाइ थायो नाथाय जेखिजाया थासारियावबो हाबमोनलायखौ गुबुन सुबुंनो होनाय जानाय नडा । मावख'आरि जाहोननि थाखाय हाबमोनलायखौ नेहाथारि जथुमनि मावख'निफ्रायबो मोन्नो हागोन । बुधिगिरिनि गेलारिनि हाबमोनलायखौ बुधिगिरिनि नेहाथारिया बुधिगिरिनि बिथोन नडाब्ला गुबुन रोखोमै हरनो हाया ।
17. आरजलाया बरायग्रानिसिम जा सानाव नायफैग्राफोरनि गेलारियाव हाबनो गथायगोन बे हाबमोनलाइनि दिनाव फुंनि 8 बाजिनि सिगां सौहैनांगोन । जायफोर थाखाय आरजलाइ आरजलाइफोरा मोनसे थि सानाव फुंनि 8 बाजिनि उनाव गथायनायनि सम सौहैयो बिसोरखौ नायफैग्राफोरनि गेलारियाव नैथि सानाव हाबनो थाखाय रेहाय होनाय जागोन ।
18. मावख'आरि जाहोननि अनगायै हाबमोनलायखौ सानसेनि थाखायल' होनाय जागोन । सानसेनि थाखाय हाबमोनलायखौ सोलाय सोल' खालामनो हाया । जुदि हाबमोनलाइ दिहुननाय नेहाथारिया गोनांथि दं होनना सानोब्ला सानसेनि बांसिन होनो हायो ।
19. खान्थि 6आव मुंखनाय बायदि मावख'आरि जाहोननि थाखाय हाबमोनलाइ थानाय हाबमोनलाया थि सुबुंआ गौथुमनि लांगोनायाव, नयुंआव एबा जथुम नयुंनि बिफानारिजों गेलारिनि गाहाइ हाबग्रा लामाजों आरो बिथांमोननि हाबमोनलाइ गनायथि होजागोन बिलाइखौ हाबग्रा लामायाव बिबानाव थानाय रैखाथि होग्रा सुबुं आरो जथुम नेहाथारिखौ नायगिदिग्रा आरो नयुं लोको नायगिदिग्रा जायफोर नयुं, गेलारि आरो हाबग्रा लांगोनाखौ नेग्रा/पुलिस नो सौफैनायाव हाबमोनलाइखौ दिन्थिनांगोन । हाबमोनलाइखौ दिन्थिनायाव जायनि थाखाय हाबमोनलाइखौ मोनदों बेबायदियै

बिथांमोननि हाबनाय लामाखौ दिन्थिना होगोन । खान्थि 6 आव मुंखनाय बायदि सोरबा सुबुं एबा आसाम आयेन आफादनि सोद्रोमा, मावख'आरि गारिनि अनगा रावबो जथुमनि गाहाइ हाबग्रा लामानि बायजोनि अनगायै जथुमनि लांगोना सिंआव हाबनो मोननाय नडा ।

20. मावख'आरि खौरां दैथायग्रा, गनायथि मोननाय खौरां दैथायग्रा, सोरबा मावख'गिरि एबा सुबुं जायनाव सानसेनि बांसिन साननि थाखाय हाबमोनलाय हाबमोनलाइ गथायफिननाय दं बिथांमोनहा नाइगिदिग्रा आरो न' बेंग्रा लोको मावख'गिरि जायनि थाखाय साखियाव दड बिसोरनो जथुम नयुंखौ एंगारलानायनि सिगां गथायफिननांगोन ।
21. मोनफ्रोम साननि जथुम जोबनायनि उनाव नायगिदिग्रा आरो न' बेंग्रा लोको मावख'गिरिआ गासैबो हाबमोनलाइ मोनगिरिफोरनिफ्राय हाबनो मोननाय हाबमोनलाइफोरखौ बुधुमना रैखाथि होग्रा सामलायथ' मावख'गिरिनो गथायगोन ।
22. जथुम नयुंनि लांगोनायाव गोबाव सम थाबाय थानो मोना । जायखिजाया सुबुंआ गोबाव औरनो थाबाय थायोब्ला बिथानि हाबमोनलाइखौ गोखैनो दानगारनाय जागोन ।
23. बुधिगिरिया जायखिजाया सुबुंनि जायनाव हाबनो मोननाय हाबमोनलाइ थासेयावबो जथुम नयुंआव फैनाय एबा जायखिजाया गेलारिखौ नागारलांहोनो हानायनि मोनथाइखौ गावनो थिनानै दोनखादों । सुबुंआ नयुं एबा गेलारिखौ गोखैनो एंगारलानांगोन ।
24. सोद्रोमाफोरा सरासनसायै जथुम नेहाथारिख'निफ्राय होनाय सायखजानाय आरजलाइआव सानसेयाव सानै सुबुंनो नायफैग्रानि गेलारि हाबमोनलाइ होनो थाखाय मोनथाइ मोनगोन । जथुमनि सोद्रोमाफोरनि गनायथिनि अनगायै नायफैग्राफोरनि गेलारिनि हाबमोनलायखौ गुबुन सुबुंआ होनो हाया । नेहाथारिया जेखिजाया थार सानोब्ला हाबमोनलाइखौ दिहुननो थाखाय बिथोन होगोन, जाय सोद्रोमाफोरा जाय सुबुंनो जथुम बेंखनाव आरो गेलारिआव हाबनो थाखाय हाबमोनलाइ दिहुननो गनायथि होगोन बिथाडा बै सुबुंआ हाबनायनि उनाव गाजि आखु दिन्थियोब्ला दायनिगिरि जागोन ।
25. मासिनि बिबांखौ नायना गेलारिनि थाखाय हाबमोनलाइखौ दिहुननो होगोन । आरोबाव जायखिजाया हाबमोनलाइखौ दिहुननायनि सिगां बेफोर गासैबो खान्थिनि राहाफोरा जाफुजोबनांगोन ।

26. बुंथिगिरिया बुंथिगिरिनि गेलारियाव मासिखौ थिनानै दोननो थाखाय गोहो थागोन आरो बेनि अनगायै गुबुन सुबुंफोरा गेलारियाव मासिखौ थिनानै दोननो हाया ।
27. नेहाथारिया जथुम नेहाथारिख'नि नायगिदिग्रा आरो नयुं मावख'गिरि एबा नायगिदिग्रा आरो नयुं लेडाइ लोगो मावख'गिरिनो हाबमोनलाइखौ नायफिननो जेराव गेलारियाव एबा जायखिजाया जथुमनि बेखनाव आरो नयुं आरो साफ्रोमबो सुबुंफोरा नायगिदिग्रा आरो नयुं मावख'गिरि एबा नायगिदिग्रा एबा नयुं लेडाय मावख'गिरिनि खावलायनायाव हाबमोनलाइखौ बिथानो दिन्थिनांगोन ।
28. मोनफ्रोमबो हाबमोनलाइया-(1) नायफैग्रानि मुं, (2) सम आरो अक्ट'(3) हाबमोनलाइ दिहुननो थाखाय जाय गनायथि होदों बै सोद्रोमानि मुं आरो (4) हाबमोनलाइ दिहुननायनि अक्ट'। हाबमोनलाइयाव जथुमनि नेहाथारिनि मुंसाइ गैयाब्ला उदायनाय नडा ।
29. सोद्रोमाफोरखौ जि बोसोरनि उन्दै फरायसाफोरनो गेलारियाव हाबनायनि गनायथि होयैनि थाखाय खावलायनाय जायो । अदेबानि जथुमनि नेहाथारिआ जि बोसोरनि बासिन फरायबाय थानाय फरायसाफोरनो फसथाननि बिगोमानि गनायथि लानानै हाबमोनलाइखौ दिहुननो हायो ।
30. बेनिखायनो गासैबो फरायसालिनि गाहाइ फोरोंगिरिफोरा जि(10) बोसोर बैसोनि बासिन फरायसाफोरनो हाबमोनलाइ होनायनि थाखाय गनायसं होनायाव जोबोद गोखों जानांगोन आरो बिथामोननि गनायसंजों नायनो फैग्राफोरनि गेलारियाव हाबफैनाय फरायसाफोरनि आखुथाइफोरनि थाखाय सोलोंथाइ फसथानफोर/दिथागिरिफोरा दायनिगिरि जागोन । सरासनसायै फोरोंगिरिफोर/दिथागिरिफोर लोगोआव थांफायाब्ला रावबो फरायसाफोरनो हाबमोनलाइ होनाय जाया ।
31. जि(10) बोसोर बैसोनि सिडाव थानाय गथसाफोरखौ नायफैग्राफोरनि गेलारियाव हाबनो होनाय जानाय नडा ।
32. खौरां बुधुमग्राफोनि गेलारियाव मासिआ 35सिमल' जानायनि थाखाय सरासनसायै सानफ्रोमबो खौरां बुधुमग्रा आरो गनायथि मोननाय खौरां बुधुमग्रा थान्दैफोरा हाबनो मोना । गनायथि होजानाय खौरांगिरिफोरनि थान्दैनि, गनायथि मोननाय खौरां बुधुमग्रा थान्दैफोरहा आसाम आयेन आफाद खौरां बुधुमग्रा आफादनि आफादगिरि एबा नेहाथारिनिफ्राय गनायथि मोननायनि अनगायै रावबो सुबुडा खौरां बुधुमग्रानि गेलारिआव हाबनो मोना ।

- जेराव, मोनसे खौरां बिलाइ एबा गनायथि होजानाय खौरां बुधुमग्रा थान्दैनि सामलाइगिरि, सुजुगिरि आरो बिगोमाफोरा गौथुमनि जुथुमायाव थान्दै दैथायहरनो हास्थायोब्ला आफादाव मेल जागायनायनि स्नि सान सिगां आसाम आयेन आफादनि नेहाथारिनो हाबमोनलाइनि थाखाय जायखौ थाखिना दैथायहरगोन बिथानि मुं, अरायथा थं आरो गुवाहाटीनि थंखौ आरजलाइयाव होफानांगोन । जुथुमायाव हाबनो थाखाय जायखिजाया मोनसे खौरां बिलाइ एबा खौरानि थान्दैनो हाबमोनलाइखौ थान्दैनि मुंजों दिहुननाय जागोन ।
33. खान्थि 20 नि सिंआव थानाय आरज बिलाइफोरखौ थिखानाय समनि उनाव मोनोब्ला गनायनाय जानाय नडा । जुदि बेफोरबादि आरजबिलाइफोरनि अनजिमाखौ थिखानाय समाव मोननायनि उनाव खौरां दैथायग्रा गेलारियाव मासिफोर होजानायनि बिबांखौ बारोब्ला आरो जुदि गुबुनफोरनि थाखाय मासिफोर दंब्ला सानसेयारि आरो खौरां दैथायग्रा थान्दैफोर आरो उनाव हाबथायाव-खननै/हाबथायारि बायदि बायदिनो सिगांग्रो खाबु होनाय जागोन ।
34. आफाद/जथुमनि मावफाबिखान्थिफोरनि जायखिजाया गोसोजानानै गोरोन्थि बुंसारनाय, जथुमनि मावफारि बिदांफोरजों सोमोन्दो थानाय जायखिजाया सोद्रोमाफोरनि सायाव जायखिजाया साबजाथावै सावरायनायखौ जाबसिनब्ला आरो खौरां बिलाइ एबा खौरांदैथायग्रा थान्दै फारसेनिफ्राय जायखिजाया मावनाया मोननाय खाबुखौ सिफायथावथाव खालामोब्ला बै मोनसे खौरां बिलाइ एबा खौरां देथायग्रा थान्दैनि सदानाव हाबनायनि खाबुखौ बोखारनो थाखाय राहा लानाय जागोन एबा बिथानो इयुन जथुमाव हाबनोहानाय मोनथाइखौ नेवसिनाय जागोन ।
35. खौरां थान्दैफोरनि मुंथिसननायनि हाबमोनथाइखौ गाहायाव होनाय रादाइ बादियै खालामनाय जागोन:
 - (1) हाबमोनथाइ मोनगिरिया आफादनि सानसेयारि मावफाबिखान्थिफोरनि मोजां आरो थि रायफोरथिखौ नायनानै गावनि मावनो गोनं बिबान बायदियै खौरांलाइयाव फोसावगोन ।
 - (2) आफादनि बै जथुमनि थाखाय होनाय हाबमोनथाइ होजानाय मोनफ्रोम खौरांबिलाइ, खौरां थान्दै एबा समादि फोसावनायन थान्दैनि बिबानगिरिफोरा मोनफ्रोम फोसावजानाय खौरांबिलाइ एबा सानफ्रोम मावफारि बिखान्थिनि फोसावनाय एबा जथुमनि माखासे सानफोरनि मावफारि बिखान्थिनि जायखिजाया बुंफोरनायखौ फोसावजाखानाय लोगो

लोगो उनावनो आसाम आयेन आफादनि नेहाथारिनो मोननै बिलाइ जगायदोना जगायाखै बिखौ नायगोन । जगायनो थाखाय नांगौ जानाय दिहुनजानायनि बेसेनफोरखौ जथुम नेहाथारिया होगोन आरो बे खान्थिया बैफोर खौरां बिलाइफोरनि थाखायल' जागोन जायफोर जथुमनि बिजाब बाखियाव आजाव जानाय नडा ।

(3) मोनसेबो खौरांबिलाइ एबा खौरां थान्दै फोरा फोसावनो मोननाय नडा- (i) बुंथिगिरिजों थिसनजानायनि सिगां दैखानाय सोंथि आरो थांखि, (ii) खान्थि एबा थांखि दैखानाय जायफोरखौ बुंथिगिरिया गनायथिनि सिगां एबा सदनाव थिसननायनि सिगां, (iii) रायफोरथि बिलाइ, आयेन दाग्रा आफाद आरो खान्थिनि सायाव सायख'नाय आफादफोरनि मावफारिफोर आरो सदनाव दैखानायनि सिगां फोसावनो मोननाय नडा ।

एबा

राज फोसावलाइयाव सेबखानाय आरो बेबायदियैनो बिखान्थिनि सिडाव गुबुन आयेन दाग्रा आफाद थिसननाय एबा सायख'नाय सोमोन्दै, (iv) जथुमाव बुंफोरनायनि सिगां रांवावजा आरो बेनि जायखिजाया फारिलायफोर आरो (v) जथुमनि जायखिजाया आयदा जायफोर राइजोनि थाखाय नडा ।

36. जायखिजाया बैफोर बिथोनफोरखौ सिफायोब्ला हाबनो मोननायनि हाबमोनलाइखौ लोगो लोगोनो बोखांफिननाय जागोन ।

37. सम सम दिहुनजानाय बिथोनाव थाफायै जायखिजाया आयदाफोरखौ बुंथिगिरिनि बिथोन बायदियै सामलाइगोन ।

38. जथुम जिरायनायाव निजोम/सि स्यायखौ नायनो फैग्राफोरा नुनो मोननांगोन । गेलारिनि सिडाव दिन्थिफुनाय एबा गुबुन राहायै दिन्थिनाया गोखोडै हेंथा दड । नायफैग्राफोरा गेलारिनि सिडाव दावराव दावसि एबा थांलाय फैलाय जायखिजाया जायफोर सदननि मावफारिखौ हेंथा होयो बेफोर बादिया गासैबो रोखोमनि हाबाफारियाव हेंथा दड ।

39. गेलारिनि सिडाव जेबो रोखोमनि थखन, हाथियार, साथा, बिजाब एबा खौरां बिलाइफोरखौ लानो होनाय जानाय नडा ।

40. गेलारिनि जायखिजाया बाहागोआव गसनो होनाय जानाय नडा ।

41. आसाम आयेन आफाद नेहाथारिख'नि नायगिदिग्रा आरो नायगिदिग्रा मावख'गिरि, नायगिदिग्रा आरो लेडाइ नायगिदिग्रा आरो बिबानाव थानाय पुलिसफोरा-

बिबानाव थानाय
पुलिस मावख'गिरि
आरो आसाम आयेन
आफादनि
मावदांसाफोरनि सिम
बिथोन

(1) बिथोन बायदियै खाबजाथाव हाबमोनलाइनि अनगायै जायखिजाया सुबुंखौनो सिमानि सोरगिदि, नयुं आरो गेलारियाव हाबनो होनो मोननाय नडा;

(2) हाबमोनलाइयाव गनायथि थाखानाय आयदानि अनगायै हाबमोनलाइनि बिगोमाया गावसोरनि मोनथाइखौ गुबुनाव बाहायनायनि सायाव नोजोर होनाय;

(3) हाबफैग्राफोरा गेबें लामाजों हाबदोना हाबाखै आरो बिसोरनि हाबमोनलाइया सोलियोना सोलिया हाबमोनलाइखौ आन्जाद नायगोन;

(4) सदननि मावफारि जोबनायनि उनाव जेब्ला हाबमोनलाइ बिगोमाफोरा जथुम नयुंखौ नागारलाडो अब्ला बिसोरनिफ्राय हाबमोनलाइखौ बुथुमगोन;

(5) रावबो सुबुंफोरा गेलारियाव लावथि, साथा, हाथियार, बिजाब आरो खौरांबिलाइ बायदि बायदिफोर लानानै हाबनो मोननाय नडा बेखौ नायगोन ।

(6) थि हाबग्रानि अनगायै हाबमोनलाइ गोनां आरो गैयै रावबो सुबुंखौ नयुं आरो गेलारियाव हाबनो होनाय नडा ।

42. (1)जुथुमनि मेल सोलिबाय थानाय समाव बिबान होजानाय रैखाथि बिफाननि सामलायथ' गाहाइया जुथुननि नेहाथारिजों होजानाय बिबानफोरखौ मावफुंनो थाखाय सानफ्रोमबो सावरायनाय जागायनाय से घन्टा ब्रै बाहागोनि थाम सिगां समखौ नेहाथारिजों सावरायनांगोन आरो बेबायदिनो माखासे सुबुंफोरा सम सम नेहाथारि आरो बुंथिगिरिजों होजानो हागौ । पुलिस मावख'गिरि आरो गुबुन पुलिस मावसाया गावनि बिबानखौ जथुम जोबजासिम मावबाय थानांगोन (सानजौफुनि ओखाम जानायनि जिरायनाय समावबो) ।

बिबानाव थानाय
पुलिस मावख'गिरि
आरो आसाम
आयेन आफादनि
मावदांसाफोरनि
सिम जुनिया
बिथोन

(2) जेब्ला नेहाथारिख' जथुमनि सोरबा सासे सोद्रोमाया नयुंनि जायखि बाहागोआव एबा गेलारियाव हाबमोनलाइ नायग्रोमनो बिबान होजायो बियो सोरबा सुबुडा हाबमोनलाय दिन्थिनो राजि जायाब्ला एबा बे बिथोनफोरखौ जेखुनु राहायै

लानायनि सिगां रैखाथि बिफाननि सामलाइथ'गाहायजों सावरायनांगोन ।

(3) गाहाइ हाबग्रायाव बिबान मोननाय पुलिस मावसाया मन्थ्रिनि अनगायै जायखिजाया गारिखौ जेबो राहायै जथुम सिडाव हाबनो हानाय नडा जेब्लासिम बे गारियाव गाखोग्राफोरखौ नायग्रोमा, जुदि बाबेबा गंसे गारियाव सोरबा बायजोआरि दंब्ला, जाय जथुमनि सिडाव आरो नयुंआव हाबनायनि मोनथाइ मोननाय नडा बे बिथोननि सिडाव बिखौ गारिया जथुम थावनिनि सिडाव हाबनायनि सिगां ओखारलानो खावलायगोन आरो थि हाबग्राजों आवगायनो खावलायगोन ।

सौलुफोरजों सोमोन्दो थानाय बुंथिगिरिनि बिथोन

43. जेब्ला गोबां अनजिमानि रोखोमसे आयदानि सौंथिफोरनि मिथिसारलाइ सफैयो अब्ला बुंथिगिरिया गासैबो मिथिसार लाइफोरखौ मोनसे मिथिसार बिलाइयाव ज' खालामनो बिथोन होगोन जुदि बिथानि साननायाव सोद्रोमाफोरा देखानाय गासैबो सौलुफोरनि आयदा फोरा गावनि लुबैनाय बायदि जायो ।

लोगोसे ज' खालामनाय सौलुफोराव गासैबो सोद्रोमाफोरनि मुंफोरखौ ब्रेकेतआव सौंथिफोरजों होफानांगोन जाहाथे बिथानिमोननि मिथिसार बिलाइबायदियै खाबु होग्रोनो हायो ।

44. सानसेनि खुगायारि फिननायनि थाखाय सौंथिफोरखौ सौंथिफोरनि फारिलाइनिफ्राय 32थि खान्थियाव थानाय बायदि साफ्रोमबो सोद्रोमाया सायख'लायाव गिबि खाबु मोनग्रोनाय बायदि साजायना दोननांगोन ।

45. जेब्ला मोनसे सौंथिखौ सौंथिनि फारिलायाव जेखिजाया सानसे खुगायारि एबा लिरनाय फिननायाव सासेनिखुइ बासिन सोद्रोमानि फिनखौ होनो हायो अब्ला , बैफोर सोद्रोमानि मुंखौ सौंथियाव सेबखांना जथुमनि मावफारियाव दिन्थिनांगोन ।

जेब्ला सौंथिनि फिननायखौ खुगाजों होनाय जायो अब्ला जाय सोद्रोमाया सौंथिखौ सौंदोमोन बिथानि मुंखौ सदनाव सिगांग्रो बुंथिनांगोन आरो हाथखि सिन होना दिन्थिनांगोन ।

46. (1). जेब्ला सौंथिनि खुगा फिननाय एबा सिगां सौंथिफोरखौ रायखांना फिननाय होनायनि थाखाय सदनाव बिबुंथि लाखियो अब्ला बिबुंथिलाइजों लोगोसे सौंथि बिलाइ आरो जायखौ रायखांना फिननाय होनाय जादोमोन बैफोरखौ सौंनाय समनि खावसे रिगानि सिगां सोद्रोमाफोरनि थाखाय फोसाव बिलाइ मावख'आव देखाना होनांगोन ।

(3) बिबुंथिनि बैफोर बिलाइफोरखौ एबा सौंथिफोरनि फिननायखौ जाय फिननायखौ खुगा फिननायजों होदोमोन बैफोरखौ जाय सौंथि सौंदो बै सोद्रोमानौल' खावलायनायाव होनांगोन एबा जाय सोद्रोमानो बिथानि जानानै सौंथि सौंनो मोनथाइ होयो एबा जायखिजाया सुबुं जाय सुबुंनो लिरनानै बिबुंथि लाखियो एबा फिननाय होनो मोनथाइखौ होयो ।

(4) बैफोर बिबुंथि बिलाइ एबा फिननाय बिलाइफोरखौ आन्दोआव लाखिनाय जागोन जेब्लासिम सौंथिनि फिनखौ एबा सौंनाय समा जोबा, जिखुनु जाय सिगांग्रो

अब्लासिम फोसाव हरनाय जाया । जुदि बबेबा मोनसे जाहोननि थाखाय बिबुंथि लाखिनाय जायाब्ला एबा फिनखौ होनाय जायाब्ला एबा सदनाव मन्त्रिया सोंथिनि फिननाय होनायाव फारिलाइखौ सोलायगोन जेराव नंगुबै बिबुंथिखौ रायजोआव हगारनाय जानाय नडा ।

47.(1) सोंथिनि फिनखौ सदनाव जेसेबां गोखै हायो नाजागोन, मोनफ्रोम सोंथिनि फिनखौ आलादायै होनाय जागोन ।

(2) जुदि मबेबा मोनसे फिननायनि फारसे बिथांनि नोजेरा धाडोब्ला बुंथिगिरिया बिनि हेंथायै गोजोननाय फोरमायगोन आरो बिथाडा मन्त्रिखौ आबुं फिननाय होनो बिथोन होगोन ।

48. जेब्ला मोनसे आयदानिनो मोननै एबा बेनिखुइ बांसिन सोंथिफोरा मबेबा मोनसे सानाव खुगा फिननायनि थाखाय मन्त्रिनिसिम सोंथि फारिलायाव मान बिलाइ सौहैयो आरो जेब्ला बै फारिलाइनि गिबि सोंथिखौ फिननांगौ जायो, बुंथिगिरिया गावनो एबा जायखिजाया सोद्रोमानि खावलायनायाव जायखिजाया एबा गासैबो बैफोर सोंथिखौ फारिलायाव दैखानाय बायदि होआ लासेनो फिननो थाखाय बिथोन होनो हागोन ।

49. मबेबा मोनसे सोंथि दैखानो थिननायाव जुदि सोंनो हायाब्ला एबा जाय सोद्रोमानि मुं ओखारदों बिथाडा रावबो सुबुंनो गावनि जानानै सोंथि सोंनो मोनथाइ बिलाय होआब्ला, बुंथिगिरिया गावनि गोसो बायदियै नैथि बेंखन सावरायनायाव फिननो थाखाय बिथोन होगोन । जुदि बिथांनि मत एबा बिफाननि मन्त्रिनि सोंथिनि आयदाफोरखौ सदनाव फिननो थाखाय गोनांथि सानो ।

50. जेब्ला सासे मन्त्रिया खौरांआव थानाय जायखिजाया थार नडैखौ थार खालामनो हास्थायो जायखौ बिथाडा फिननायाव गुसुं सोंथिनि फोसाव बिलाइ एबा उफ्रा सोंथि एबा बात्रा दान्येलायनायाव गाहायनि नेमखान्थि बायदि फालिनांगोन ।

(i) मन्त्रि बिथाडा बिबुंथि लाखिनो थाखाय नेहाथारिनो मिथिहोनांगोन । बे फोसाव बिलाइयाव मन्त्रिया थांखि दैखानाय बिबुंथि बिलाइ धाफादेरनांगोन ।

(ii) जेब्ला सदनाव जथुम सोलिफुबाय थायो नेहाथारिया थि सानाव आयदाखौ फारिलायाव सोफागोन आरो मन्त्रिया बुंथिगिरिजों गाबज्जिजागोन अब्ला सदनाव बिबुंथि लाखिगोन ।

(iii) सदननि जथुम सोलियै समाव नेहाथारिया मन्त्रिनि बिबुंथिखौ फैगौ जथुमाव लाहोनो थाखाय थिरांखालामगोन जेराव बुंथिगिरिनि बिथोनखौ लानाय जागोन । जुदि आयदाखौ फैगौ जुथुमसिम नेनो हायाब्ला, बिबुंथिखौ सदननि मावख'आरि

मावफारि फोरमायथियाव सोफादेरगोन आरो मावफारिनि आफां रेबसुंआव गाहायाव होनाय बायदि जागोन : "मन्त्रिनि थार फिननाय एबा बिबुंथिया गाहायाव होनायबायदि जागोन":-

गोजौआव साफायनाय बादिनो फिननायखौ गुबै फिननि सोलायै मन्त्रिया उनाव हरदोंमोन ।"

रेबसुं: जुदि गुबै फिननायखौ फोसावनो हाया होनना साननाय जायो, खालि फोसाबफिननाय फिननायखौल' खाबजानाय आफां रेबसुं होफाना सेबखानाय जागोन ।

(iv) मन्त्रिया सरासनस्रायै गावनि फिननायखौ एबा बिबुंथिखौ से हाफथानि गेजेराव गेबें खालामनो थाखाय नेहाथारिनि खाथियाव गावनि गोसोनि साननायखौ फोरमायगोन । बुंथिगिरिया जाहोनफोर होनायखौ गोजोननाय मोनोब्ला बे गोनांथिखौ एंगारफागोन ।

(v) बुंथिगिरिया मोनफ्रोमबो जाथाय जेराव बिबुंथि फोसाबफिननाय, मन्त्रिया सदनाव खौरां हरनाय एबा सदनाव दैखानायखौ थि खालामगोन ।

51. जेब्ला सासे मन्त्रिया खारियाव थानाय गोरोनथिखौ फोसाबनो हास्थायो जेराव बिथाडा हाथखिं गैयै सोंथिफोरनि फिनखौ होयो बेनि थाखाय गाहायाव होनाय नेमखान्थिखौ फालिनांगोन-

(i) मन्त्रिया हाथखिं गैयै सोंथिफोरनि फिनखौ गोसो जाना फोसाबफिननो नेहाथारिनो मिथिहोहरगोन । मिथिसार बिलाइयाव मन्त्रिया बिबुंथि थांखिनाय बिलाइ धाफागोन ।

(ii) जेब्ला सदनाव मेल सोलियो, नेहाथारिया सोंनायनि फारिलाइयाव फिननायखौ लिरनानै थि सानाव गाहायाव होनायबायदि सोफादेरगोन ।

-----बिफाननि मन्त्रि मुस्रि-----

-----या फोसाबफिननाय हाथखिं गैयै सोंथि नं-----
सोमोन्दै फिननायनि बिबुंथि-----होदों ।

(iii) जोबथारनायाव हाथखिं गैयै सोंथिफोरनि फिनखौ सदननि मावख'आरि मावफारि खारिलाइयाव बै सानावनो मन्त्रिनि बिबुंथियाव सोफादेरनांगोन ।

(iv) जेब्ला सदनाव जुथुम सोलिया, बिथोन 51(iii) बिखान्थियाव सोंथिजों सोमोन्दो थानायखौ बाहायनो हागोन ।

52.(1) मन्थ्रिया बिबुंधि लाखिनो थांखि दैखानाय बिलाइयाव सोद्रोमाफोरनि बिबुंधिनि थाखाय हाथखि गोनां/सुंथाब मिथिसार सोंथिनि फोसाबनाय फिननाय बिलाइखौ जधुम नयुनि मिथिसार मावख'आव जधुम जिरायनाय सनाव खावसे रिगानि सिगां होनांगोन ।

(2) बैफोरबायदि बिबुंधिफोरखौ आन्दोआव लाखिनाय जागोन आरो बिबुंधि होनायसिम फोसावने थाखाय दिहुननाय जानाय नडा ।

(3) बिबुंधि लाखिखानायनि उनाव बिबुंधिगिरिया मन्थ्रिया फोसाबनाय अयदाजों सोमोन्दो थानाय सरजाबनाय सोंथिफोरखौ सोंनो थाखाय गनायथि होगोन ।

53. जुदि मोनसे सुंथाब सोंथि सोंनो फोसावनायाव जाय सोद्रोमानि मुडा सिखारदों बिथाडा गैयाब्ला बिथाडा गावनि जानानै गुबुन सुबुंनो सोंथि सोंनो मोनथाइ होआब्ला बुंधिगिरिया सदनाव फैनाय बैफोरबादि सोंथिनि सायाव लिरनानै जाहोनखौ फोरमायगोन

लोगोसे रायजोनि गोनांथिखौ नोजोर होनानै जेराव मन्थ्रिया उनाव फिननायखौ होनो गोसो जायोब्ला, बुंधिगिरि बिथाडा जय सानोब्ला गुबुन सोद्रोमानो सोंथिखौ सोंनो थाखाय एबा मन्थ्रिखौ सोंनाय आरो फिननायखौ फरायनो थाखाय बिथोन होगोन ।

54. गासैबो हाबफैनाय सॉलुफोर जायफोर थार सोंथिनि फारिलायाव जायगा मोना बैफोरखौ हाथखि गैयि सोंथिनि फारिलायाव सोफागोन, नेमबायदियै साफ्रोम सोद्रोमाया सानसेयाव गावनि मुडाव एसेयैब्लाबो मोनसे सॉलु थानांगोन आरो सासेबो सोद्रोमाया मोन बा(5)निखुइ बांसिन सॉलु(थार आरो थार नडैखौ लाफाना) आरो गासै थार नडै फारिलायाव सॉलुफोरनि अनजिमाया सानसेयाव 50(बाजि) खौ बारनो मोना ।

55. सॉलुफोरखौ आजावनायनि जोबथा अक्त'आ जोबनायनि उनाव, सौफैखानाय सॉलुफोरखौ सोद्रोमाफोरनि आरो फोसाव बिलाइयाव दिन्थिनाय बायदि जायफोरनो सिगांग्रो खाबु होनो हायो बेबायदि जथाइफारियाव साजायगोन । सिगांग्रो खाबु होनायनि फारिलायाव सोंथिफोरखौ दोननायाव हाथखि गैयै एबा होथावै एबा सोलायसोल' खालामजानाय सोंथिफोरनि अनगायै सोद्रोमाफोरनि गासैबो सोंथिफोरखौ सोफानाय जायो । जेराव 20थि मासिनि गेजेराव जायखिजाया सोद्रोमानिफ्राय हाथखि गोनां सोंथि सफैयाब्ला 21थि मासि आवग्रिनो हानाय सोद्रोमानि सोंथिखौ फारिलायाव सोफानाय जायो आरो बेबायदिनो सोफाबाय थानाय जायो ।

56. सॉलुफोरनि फारिलायाव थिसनजानायनि खान्थि 37 आव मुंखनाय जादों, जायखिजाया सोंथिफोरा गाहायनि जाहोनफोरनि थाखाय सोंथि फारिलायाव थिसनजानाय नडा-

(i) जुदि बियो सानफ्रोमबोनि खुंथाइजों गोरोब्ला एबा सोरबा सासे सुबुंनि एबा खायसे सुबुंनि मुलाम्फानि थाखायल' जायोब्ला ।

(ii) जुदि बियो मन्थ्रिजों आजावजानाय आर'जलाइ आरो गोसोखां बिलाइजों गोरोबोब्ला जायफोर रायजोनि गोनांथि नडा ।

(iii) जुदि बियो बुंधिगिरिनि मोनथाइ सिमानि आयदायाव थायो ।

57. जुदि जधुम नेहाथारिख'आ खानानै दोननाय समनि गेजेराव माखासे थार जाहोन एबा माखासे खारि नांगौ जानायनि थाखाय सोंनायनि फिनखौ होनो सरखारा गोब्राब मोनोब्ला आयदाखौ बुंधिगिरिनि सिगांआव बिबानाव थानाय मन्थ्रिनो सॉलुनि फिन होनो हायैखौ बुंनंगोन आरो सॉलुखौ सोंनो होयै/दोनथ'नो/फासयनो खावलायगोन । बेबायदि खावलायनायाव बुंधिगिरिनि थिरांथायानो जोबथा ।

उफ्रा सॉलुफोर

58. जायखिजाया सोद्रोमाया बुंधिगिरिनि बिथोनाव हाथखि गोनां सोंथिफोरजों लोगोसे उफ्रा सोंथिफोर लाखिनो हायो । बुंधिगिरिया गाबजिखानायनि उनाव फिननाय होखानायनि उनाव जायखिजाया आयदाखौ नायफिननो हायो । नाथाय मोनसे थि सोंथिनि उफ्रानि थाखाय 5 मिनिटनि बांसिन सम होनाय जानाय नडा ।

लाथिख' सम (Zero Hour)

लाथिख' समनि सोदांनय रादाय

59. लाथिख'रिगायाव थांखि दैखानाय आयदाया दैखानाय साननि सानथामनि गेजेराव जानाय जानांगोन, बुंधिगिरिया बिथोन होआगौमानि रायजोनि गोनांथिथानाय बे आयदाखौ लाथिख' समाव दैखानो होनाय जानाय नडा । सोद्रोमाया बैफोरबायदि आयदानि सायाव थांखि दैखानो हास्थायोब्ला, थांखिखौ दैखाने सानाव फुंनि 8 बाजिनि सिगां बिथाडा गावनि हास्थायनायखौ गोरारुं नेहाथारिनिसिम गानै उफ्रा रेबस्ताइ हरनांगोन । बुंधिगिरिया गावनि गोसो बायदियै सानसेयाव बैफोर आयदानि सायाव सानथामनिखुइ खमसिननि गेजेराव जानायखौ थांखि दैखानो गनायथि होगोन आरो बेनि उनाव सफैखानाय खीरां बिलाइखौ मन्थ्रिनो/मन्थ्रिफोरनो दैथायहरगोन । बुंधिगिरिया सोद्रोमाखौ 5 मिनिटनि गेजेराव थांखि दैखानो गनायथि होगोन, बिफाननि मन्थ्रिया 5 मिनिटनि गेजेरावनो फिननाय होनो हागोन, जुदि नांगौ जानाय खीरां आरो खारिफोरा बिथानाव दडब्ला, नडाब्ला फिननायखौ मन्थ्रि बिथानि सुबिदाबायदियै आयदाखौ दैखानो होनो हागोन ।

बुंधिगिरिनि दैदेनजेननाय

60. (i) बे खान्थिफोरनि सिडाव बुंधिगिरिया हाबाफारि सुबुहन आफादजों सावरायना जथुम मेलनि जोबनाय साननि मोनफ्रोम मेलआव गोनां आयदाखौ सावरायनायाव दैखानो थाखाय गनायथि होगोन नाथाय खायसे गोनांधार जानाय रायजोनि समाजारि-रांखान्थियारि गोनांथि थानाय जायखौ सदनाव सरासनस्रायै गोलावै सावरायनाय जायाखै जेराव गोथौ सावरायनायनि गोनांथि दड आरो जायफोर सदनाव आरो रायजो सरखारा सदनाव जयै गोरोबनायै राहाफोरखौ जुनियायै लानो हायो ।
- (ii) बुंधिगिरिया बिथोन होआगौमानि सासे सोद्रोमा एबा सोद्रोमानि हान्जाया गोचौनि उफ्रा (1) आव मुंखनाय बायदि गोब्राब आयदानि सायाव थांखि दैखानो गौथुमनि मेल जिरायनायनि जोबथा साननिफ्राय स्नि (7) साननि गेजेराव गोरायुं नेहाथारिनो सदनाव सावरायनो थांखि दैखानाय आयदाफोरखौ रोखा रोखायै लिरनानै मिथिसार हरनांगोन ।
- (iii) बुंधिगिरिया सदननि दैदेनगिरि आरो बेरेखा हानजानि दैदेनगिरिजों सावरायलायनानै सदनाव सावरायनो थांखि दैखानाय मोनसे आयदाखौ सायख'गोन । बुंधिगिरिजों सायख'जानाय आयदा थाफानाय मिथिसारखौ गोरायुं नेहाथारिया गासैबो सोद्रोमाफोरनो सावरायनाया जागायजेननाय साननिफ्राय थाम (3) साननि गेजेराव रानसारना होगोन ।
- (iv) जाय सोद्रोमानि मिथिसारा सावरायनाव थांखि दैखानो सायख'जागोन बिथाडा बुंधिगिरिजों आयदानि सायाव थांखि दैखानो आरो बुंधिगिरिया थि खालामनाय बायदि बिबुंधि लाखिनो गाबज्जिजागोन ।
- (v) बुंधिगिरिया बिथोन होआगौमानि सानसेनि थाखाय सोद्रोमा एबा सोद्रोमाफोरा थांखि दैखानाय आयदानि सायाव सावरायनाय हाबाफारिनि अनगायै गुबुन हाबाफारि लानो मोना ।
- (vi) बाभ्रा दान्थेनायनि सोलायै खालिबोल' सावरायनाय, भ'त होनाय आरो खौरांफोरखौ सरखारनिफ्राय नागिरनाय जागोन नाथाय मावथांखिफोरनि जेंना फोरमायनायनि सायाव लोगोसे सदनाव नोजोर खोख्लैहोनाय आरो सावरायनायनि गेजेरजों जेंना सुस्रानायनि राहाफोरखौ रायजो सरखारखौ लाहोनो हागोन ।

(vii) बुंधिगिरिनि गनायथियाव सावरायनाया जायखिजाया राजखान्थियारि सोंखारिलायनाय जानो मोना नाथाय दाजाबथायारि, सुबुहनारि जानांगोन आरो सावरायनायखौ ओथिगोनां खालामनो थाखाय मोनसे मोजां थासारियाव रायजोआरि सांग्रांथि सोरजिहोनांगोन । सावरायनायाव बाहागो लानाय सोद्रोमाफोरनिफ्रायबो आयदानि सायाव सावरायनायाव थाखानाय आयेनारि राहाफोरजों बिजिरनायखौ मिज्जिथिगोन आरोबाव आयदानि सायाव सावरायनायनि गेजेरजों सुस्रानाय राहाफोर नागिरनायाव नांगौ जायोब्ला दाफामनाय, गोदान आयेन दानायनि थाखाय सुबुहन होनो हायो ।

(ix) सावरायनायनि जोबथारनायाव सरखारा मोनसे लिरनाय बिबुंधि(statement)होनो हायो । आरोबाव, मोनसे आबु लिरनाय बिबुंधिखौ बुंधिगिरिनो सावरायनाय अक्त'निफ्राय लानानै गुजि साननि गेजेराव बुंधिगिरिनो जमा होनांगोन जायखौ सदनाव सोद्रोमाफोरनि गेजेराव राननानै होनांगोन ।

आर्जि आफादजों सोमोन्दो गोनां आयदानि सायाव

बुंथिगिरिनि बिथोनफोर

61. गुबुन गुबुन सुबुंफोर, आफादफोर बायदि फोरनिफ्राय मोननाय थान्दैथि, लायजाम आरो टेलिग्राम जायफोर आरजलायजों सोमोन्दो थानाय खान्थिनि आवथायाव गोम्लैया बैफोरखौ मावफुंनायनि बिथोन होनायनि थाखाय आफादा नांगौ जायोब्लानो जथुम नांगोन ।

गाहायाव होनाय थान्दैथिनि फारिलायफोरा आफादजों गनायजानाय जानाय नडा नाथाइ नेहाथारिख'नि आजावजानाय फाइल आव थागोन:-

- (i) मुंगैयै लाइजामफोर एबा जाय लाइजामफोरा दैथायग्रानि मुं आरो थंफोर होनाय गैया एबा सिनायनो हाथावैफोर; आरो-
- (ii) आंखाल सुफुंनायनि थाखाय बैफोर बिलाइफोराव बबेबा मोनसे थि खावलायनाय नडब्ला खुंथाइनिसिम मददलायनि लाइजामफोरखौ बुंथिगिरि एबा सदननि अनगायै दैथाय हरोब्ला ।

रायफोरथिखौ दैखांखानायनि उनाव आरजलाइगिरिनो बेनि बागै मिथिहोनांगोन ।

सुजाबलाइ - "A"

गाहायाव होनाय मासिफोरखौ जथुम ख'थानि गुबुन गुबुन गेलारिफोराव मोनो हागोन ।

1. मावख'गिरिफोरनि गेलारि-बेयाव थानाय गासै मोन 45 मासिफोरा नेहाथारि, बेंगिरिफोर, उफ्रा गाहाइ नेहाथारि, गोरायुं नेहाथारिफोर, जुनिया नेहाथारिफोर, नेहाथारिफोर, नांजाव नेहाथारिफोर, जुनिया बिबानाव थानाय मावख'गिरि, लेडाइ नेहाथारिफोर, सरखारनि जुरुसा नेहाथारि(Under Secretary) आरो बिफाननि गाहाइ एबा बिसोरनि थान्दैफोर जायफोर जुथुमनि मावफारिफोरजों लोगोसे थानो नांगोन, बिसोरनि थाखायल' जागोन ।

ना: गो: जेराव मावख'गिरिनि गेलारिनि मासिया खम, बेनिखायनो मावख'गिरिफोरखौ हाबमोनलाय गैयालासेनो मासियाव जिरायनायनिफ्राय जानगारना थानो थाखाय खावलायनाय जायो आरो जाहाथे बिसोरो गेलारियाव गनायथि गैयै सुबुंखौ लाबोफाया ।

2. खौरां बुथुमग्राफोरनि गेलारि :- बेयाव गासै मोन 35 मासि दड आरो बैफोर मासिफोरा खालि गनायजानाय खौरां बुथुमग्रा एबा DIPR गनायथि मोननाय थान्दैफोरनि थाखायल' जागोन ।

3. नायफैग्राफोरनि गेलारि:- बेयाव गासै मोन 132 मासि दड आरो बैफोरो खालि नायफैग्राफोरनि थाखायल' जागोन (हौवासा आरो हिनजावसाफोर)।

4. बुंथिगिरिनि गेलारि:- बेयाव मोन 10 मासि थायो आरो बे गेलारिनि थाखाय हाबमोनलाइ होनाया बुंथिगिरिनि थि गोसो बायदियै जागोन आरो सासे सोद्रोमानि गेजेरजोंबो खावलायनो हागोन ।

5. रायजो बेंगिरिनि बागसु:- बियो रायजो बेंगिरि आरो मावफारिया सोद्रोमाफोरनि थाखायल' थिनानै दोनखानाय ।

Printed at Arindam Offset & Imaging Systems, Rajgarh, Guwahati